

## LA WG

# AUTO-WG-GRAFIA (PART I)

da Chatrina Josty

La furma da star ensemen „wg“ è gea nagut nov – sch’ins metta avant il clan dals homos neanderthalensis en lur cuvels u ils Ötzis en simplas chasettas – era quai eran ensasez tut gia wgs. Ma era en mia vita gioga la wg gia davent da l’entschatta ina gronda rolla. Jau sun naschida en ina wg. En ina wg cun kiffers! Mes geniturs (betg els eran ils kiffers, hani ditg), ma mes geniturs partevan da quel temp l’abitaziun, vul dir il bogn cun in pèrin che fimava gugent in ni l’auter joint. Jau na sai betg, sche quai ha gè in’influenza... La wg en mintga cas schond. Uschia era ensasez era la “Chesa Nicolay” nua che nus stevan l’emprim temp a Bravuogn ina wg. Schi’ns definescha wg cun “adina enturn glied estra che vesa ins en il pischama”. Jau stuveva numnadain trer en mes pischama en il bogn perquai ch’igl era memia fraid en chombra. L’isch dal bogn manava grad ora en cuschina, nua che mes geniturs avevan lur visitas (savens scolasts, peniiiiibel da scuntrar quels en pischama!). Da la cuschina vev’jau lura dad ir tras stiva e si da bural e tras la chombra da mes frar. Quella chombra avev’jau, anc adina sin viadi per mia chombra, puspè da bandunar ed era cun quai or da nossa abitaziun. Dadorvart da nossa abitaziun muntava davant in’altra abitaziun e là spetgava normalmain gist in “flup” dad ina da las vaschinas. Era el ma veseva natiralmain en pischama. Ina odisea per rivar lura finalmain - tras dus ulteriurs ischs - a l’arriv!

Gia pauc pli tard è vegnì mes temp da la “Casa Florentini” a Cuira. La wg da femnas par excellence. Ed adina duas mattas en ina stanza, da maximal 12 quadrats. Ma igl era tuttina uschè bel che mia cunstanzista dal “Flo” ed jau vain barattà ensemen ils 1